

Imbas pesakit makan **hati**

■ **Jururawat perlu lapor kes keganasan rumah tangga**

Siti Fatimah Hassan
sfhassan@hmetro.com.my

Kuala Lumpur

Golongan jururawat tidak boleh bersikap 'jangan jaga tepi kain orang' atau bersikap tidak peduli sekiranya mereka berasa curiga dengan mana-mana pesakit khususnya wanita yang menderita secara senyap akibat keganasan rumah tangga.

Penyelaras Program Sarjana Program Kejururawatan

Hospital Canselor Tuanku Mukhriz (HCTM), Roziah Arabi berkata, setiap jururawat menyedari tanggungjawab mereka melaporkan kepada pihak berkuasa dalam menangani isu keganasan rumah tangga.

Bagaimanapun, apa yang menjadi cabaran, mangsa mengambil sikap berdiam diri, sekali gus menyukarkan jururawat membantu dan mengambil tindakan selanjutnya.

"Sebagai jururawat, kita ada tanggungjawab untuk melaporkan kejadian ini ke-

pada polis atau Talian Nur. Pada peringkat awal, kita mendekat mangsa dan memberi nasihat.

"Walaupun kita tahu untuk bersikap 'jangan jaga tepi kain orang', sebagai jururawat kita perlu mencampuri urusan wanita terbabit jika ia membabitkan kes keganasan rumah tangga.

"Namun, ada wanita yang bersikap terbuka dan memaklumkan kita tetapi ra-

mai yang merahsiakan penderitaan masing-masing dan inf menyukarkan kita membantu. Ada juga disebabkan faktor malu untuk menceritakan masalah mereka," katanya ketika ditemui di Seminar Kesihatan Wanita, 'Wanita: Senyuman Dalam Tangisan' anjuran pelajar Sarjana Kejururawatan HCTM, di sini, semalam.

Seminar membabitkan 300 peserta terdiri daripada



jururawat dari seluruh negara bertujuan berkongsi maklumat dan pengetahuan dalam mengendalikan isu wanita termasuk kes rogol dan keganasan rumah tangga.

Ia dirasmikan Pengarah HCTM yang juga Dekan Fakulti Perubatan, Prof Dr Zaleha Abdullah Mahdy.

Sementara itu, Roziah yang juga penasihat program seminar itu berkata, beliau melihat penyebaran maklumat dalam mengendalikan kes itu menerusi institusi pengajian tinggi adalah kaedah lebih berkesan selain pem-

babitan jururawat di peringkat komuniti.

Katanya, golongan akademik sentiasa memikirkan cara untuk meningkatkan mutu kerjaya jururawat di mata masyarakat dengan pendekatan yang dilakukan.

"Sememangnya kita begitu sinonim jururawat hanya bertugas di hospital dan klinik, tetapi kita juga menyumbang kepada komuniti secara tidak langsung."

"Kami di kelompok universiti sentiasa memikirkan cara bagaimana untuk meningkatkan kerjaya ini di mata masyarakat," katanya.



DR Zaleha (depan tiga dari kiri) dan Pengarah Projek Seminar Kesihatan Wanita, Md Fadlisham Samsudin (depan dua dari kiri) bersama peserta di HCTM, Cheras, semalam.